

«ԹԵԼ-ՍԵԼ» ԲԱՑ ԲԱԺՆԵՏԻՐԱԿԱՆ ԸՆԿԵՐՈՒԹՅԱՆ ԳԼԽԱՎՈՐ ՏՆՕՐԵՆ

«30» հուլիսի 2026թ.

N 31-Լ

««ՀԱՋՈՂԱԿ ՓՈԽԱՆՑՈՒՄ» ԱՆՎԱՆՈՒՄՈՎ ԳՈՎԱԶԴԱՅԻՆ ՎԻՃԱԿԱԽԱՂԻ ԿԱՆՈՆՆԵՐԸ»» ՀԱՍՏԱՏԵԼՈՒ ՄԱՍԻՆ


Ղեկավարվելով «Բաժնետիրական ընկերությունների մասին» ՀՀ օրենքի 88 հոդվածի 1-ին մասով և 3-րդ մասի թ) կետով՝

Հրամայում եմ՝

1. Հաստատել «ԹԵԼ-ՍԵԼ» բաց բաժնետիրական ընկերության ««Հաջողակ փոխանցում» անվանումով գովազդային վիճակախաղի կանոնները»՝ հիմք ընդունելով Խորհրդի 20.07.2026 թվականի N 200726 արձանագրությամբ սահմանված որոշումը:
2. ««Հաջողակ փոխանցում» անվանումով գովազդային վիճակախաղի կանոնները»՝ կցվում են սույն հրամանին որպես հավելված:
3. Հրամանի կատարման կազմակերպումն ու վերահսկողությունը վերապահել Մարքեթինգի դեպարտամենտի տնօրենին:
4. Սույն հրամանի կատարման համար պատասխանատու անձ նշանակել Պրոդյուսների զարգացման մենեջեր Լևոն Սահակյանին:
5. Ավագ իրավաբան Էլեն Ասատրյանին՝ հրամանի ստորագրման օրվա ընթացքում Ընկերության տնօրենության և դեպարտամենտների տնօրեններին իրազեկման նպատակով ծանուցել սույն հրամանը:
6. Հրամանի 5-րդ կետում նշված տնօրենության և դեպարտամենտների տնօրեններին՝ ապահովել իրենց ենթակա վարչությունների և/կամ ստորաբաժանումների աշխատակիցների ծանոթացումը սույն հրամանի հետ:
7. Սույն հրամանն ուժի մեջ է մտնում ստորագրման օրվանից:

Գլխավոր տնօրեն՝ **Ա. Ղազարյան**

Ստորագրություն՝


Հաստատված է Wrike համակարգով

«30» հուլիսի 2026թ.
ք. Երևան

**«Հաջողակ փոխանցում»
անվանումով գովազդային վիճակախաղի
կանոններ**



«Հաջողակ փոխանցում» անվանումով գովազդային վիճակախաղի կանոններ

1. Ներածություն

- 1.1. «ԹԵԼ-ՍԵԼ» ԲԲԸ-ն (այսուհետ՝ Ընկերություն) կազմակերպում է «Հաջողակ փոխանցում» անվանումով գովազդային վիճակախաղ, Ընկերության գովազդային քաղաքականության շրջանակներում՝ Ընկերության «Telcell Wallet» բջջային հավելվածով մատուցվող դրամական փոխանցումների ծառայությունը գովազդելու նպատակով:
- 1.2. Գովազդային վիճակախաղի կանոններ սահմանող սույն փաստաթուղթը (այսուհետ՝ Կանոններ) հանդիսանում է հրապարակային առաջարկ (օֆերտա)՝ Հայաստանի Հանրապետության քաղաքացիական օրենսգրքի 451-րդ հոդվածի և 453-րդ հոդվածի 2-րդ մասի տրամաբանությամբ:

Հիմնական հասկացություններ.

- 1.3. **Կազմակերպիչ՝** Սույն կանոններով սահմանված գովազդային վիճակախաղի կազմակերպիչն է «ԹԵԼ-ՍԵԼ» ԲԲԸ-ն:
- 1.4. **Մասնակից՝** «Telcell Wallet» բջջային հավելվածի այն օգտատերերը, որոնք համապատասխանում են սույն կանոնների պայմաններին: Գովազդային վիճակախաղին մասնակցելու իրավունք չունեն Կազմակերպիչի հետ գովազդային վիճակախաղի անցկացման պահին աշխատանքային հարաբերությունների մեջ գտնվող անձինք, ինչպես նաև այն անձինք, որոնց հետ աշխատանքային հարաբերությունները դադարեցվել են գովազդային վիճակախաղի անցկացմանը նախորդող երեք տարիների ընթացքում:
- 1.5. **Գովազդային վիճակախաղ.** հաղթողները որոշվում են, պատահականության սկզբունքով:

2. Ընդհանուր դրույթներ

- 2.1. «Telcell Wallet» բջջային հավելվածի օգտատերերի համար իրականացվող Գովազդային վիճակախաղի վերաբերյալ ողջ տեղեկատվությունը տրամադրվում է <https://telcell.am/> կայքում:
- 2.2. Մասնակցելով Գովազդային վիճակախաղին՝ մասնակիցն անվերապահորեն ընդունում է Կանոններով սահմանված պայմանները և դրույթները:
- 2.3. Կանոններին վերաբերող ցանկացած որոշում համարվում է վերջնական և անվիճարկելի:

- 2.4.** Կազմակերպիչն իրավունք ունի ցանկացած պահի փոփոխություն կատարել Կանոններում, որի վերաբերյալ համապատասխան տեղեկատվությունը կտեղադրվի Գովազդային վիճակախաղի 2.1 կետում նշված հարթակում:
- 2.5.** Գովազդային վիճակախաղի շրջանակում նվերները տրամադրվում են առանց որևէ հարկային պարտավորության: Հարկային պարտավորությունների կատարումը ստանձնում է Կազմակերպիչը:
- 2.6.** Գովազդային վիճակախաղին մասնակցության համար որևէ վճար չի գանձվում:
- 2.7.** Գովազդային վիճակախաղի շրջանակում յուրաքանչյուր հաղթող Մասնակցի Կանոններով սահմանված կարգով Նվերը կտրամադրվի:
- 2.8.** Նվերը ենթակա չէ փոխարինման կամ փոխանակման գումարի հետ:
- 2.9.** Կազմակերպիչը պատասխանատվություն չի կրում տրամադրված Նվերի որակի համար:
- 2.10.** Գովազդային վիճակախաղի հաղթողները պարտավորվում են տալ համաձայնություն՝ հրապարակել և տարածել հաղթողի անուն ազգանունը, տեսա-ձայնա-լուսանկարահանել նվերն ու հաղթողին և արդյունքը հավաքագրել, պահպանել և տարածել՝ գովազդային և օրինական այլ նպատակներով: Սույն կետի խախտման դեպքում նվերը ենթակա չէ հանձման հաղթողին:
- 2.11.** Կանոններով նախատեսված ցանկացած հիմքով չտրամադրված նվերը մնում է Ընկերության հայեցողության ներքո:
- 2.12.** Կազմակերպչի կողմից զեղծարար վճարման վերաբերյալ հիմնավոր կասկած ունենալու պարագայում օգտատիրոջ մասնակցությունը կարող է անվավեր ճանաչվել՝ առանց հավելյալ ծանուցման: Զեղծարար վճարման չափանիշները սահմանվում և որոշվում են Կազմակերպչի կողմից:

3. «Հաջողակ փոխանցում» անվանումով գովազդային վիճակախաղի մասնակցության և անցկացման կարգը

- 3.1.** «Հաջողակ փոխանցում» անվանումով Գովազդային վիճակախաղին մասնակցելու իրավունք են ստանում «Telcell Wallet» բջջային հավելվածի բոլոր այն օգտատերերը, ովքեր 2026 թվականի օգոստոսի 05-ից մինչև 2026 թվականի հոկտեմբերի 05-ը ներառյալ ժամանակահատվածում ստանում են դրամական փոխանցումներ դեպի «Telcell Wallet» բջջային հավելվածում իրենց անվամբ բացված հաշվառման հաշվին՝ 3.1.1. կետում սահմանված պայմաններին համապատասխան:
- 3.1.1.** Գովազդային վիճակախաղի մասնակցության պայմաններ.
- Խաղարկությանը կարող են մասնակցել բոլոր այն օգտատերերը, ովքեր դրամական փոխանցումներ են ստանում արտերկրից դեպի Հայաստան՝ «Telcell Wallet» բջջային հավելվածով:

- Ցանկացած գործարքի դեպքում՝ առնվազն 20,000 ՀՀ դրամի չափով դրամական փոխանցում ստանալու պարագայում օգտատերը մասնակցում է գովազդային վիճակախաղին: Մասնակցության համար հաշվարկվում է միայն ամբողջական 20,000 ՀՀ դրամ գումարը:
- 19,999 ՀՀ դրամը ներառյալ յուրաքանչյուր գործարքը հանրագումարային հաշվարկի մեջ չի ներառվում:
- Գովազդային վիճակախաղի ժամականակահատվածում կատարված գործարքների արժեքի յուրաքանչյուր 20,000 ՀՀ դրամի հանրագումարային քանակի չափով պայմանավորված հաղթելու հավանականությունը բարձրանում է:
- Գովազդային վիճակախաղի ավարտից հետո հաղթող մասնակիցները կտեղեկացվեն համակարգում առկա իրենց տվյալներից որևէ մեկի միջոցով (էլ. փոստ, push ծանուցում կամ հեռախոսազանգ):

3.2. Վիճակախաղի անցկացման կարգը.

3.2.1. Խաղարկվում է ընդհանուր 3 (երեք) նվեր, որը ներկայացված է 3.3.1 կետում:

3.2.2. Հաղթողները որոշվում են տվյալ պայմանները բավարարած՝ 3.1.1. կետում նշված պայմաններին բավարարող Մասնակիցների միջև՝ պատահական ընտրության սկզբունքով:

3.2.3. Հաղթող մասնակիցների անուն ազգանունները հրապարակվելու է Ընկերությանը պատկանող որևէ հարթակում:

3.2.4. Վիճակախաղի արդյունքներն ամփոփվում են մինչև 2026 թվականի հոկտեմբերի 20-ը:

3.3. Մրցանակային ֆոնդ և հանձնման կարգ.

3.3.1. «Հաջողակ փոխանցում» անվանումով գովազդային վիճակախաղի շրջանակներում տրամադրվող նվերներն են՝ 3 (երեք) հատ iPhone 17 pro (256GB) մոդելի բջջային հեռախոս:

3.3.2. Հաղթող մասնակիցն իրավունք ունի գրավոր դիմումի համաձայն իր նվերը փոխանցել 3-րդ անձի:

3.3.3. Հաղթող մասնակիցն իրավունք ունի հրաժարվել նվերից՝ գրավոր դիմումի համաձայն:

3.3.4. Միևնույն մասնակիցը կարող է հաղթել միայն մեկ մրցանակ:

3.3.5. Նվերի տրամադրման վերաբերյալ յուրաքանչյուր հաղթող Մասնակից կտեղեկանա 3.1.1 կետում նշված տեղեկացման եղանակներից որևէ մեկով: Կազմակերպչի կողմից հաղորդված տեղեկատվության մեջ նշված կլինի նվերը ստանալու ամսաթիվը: Հաղթող Մասնակիցը պարտավորվում է տեղեկությունը ստանալուց հետո 60 (վաթսուն) աշխատանքային օրվա ընթացքում անձամբ ներկայանալ Ընկերության գրասենյակ՝ ներկայացնելով իր անձը հաստատող վավեր փաստաթուղթ:

3.3.6. Նվերը ստանալուց հետո հաղթողը ստորագրում է նվերի ստացումը հավաստող փաստաթուղթ (այսուհետ՝ Ստացական): Ստացականի ստորագրմամբ հաղթողը

հավաստում է, որ Նվերը ստացել է ամբողջական և պատշաճ տեսքով, և դրա հետ կապված Կազմակերպչի նկատմամբ որևէ պահանջ կամ բողոք չունի:

«ԹԵԼ-ՍԵԼ» ԲԲԸ մասին լրացուցիչ տեղեկությունների համար կարող եք այցելել <https://telcell.am/> կայք կամ զանգահարել +374 60 272222, +374 60 272223 հեռախոսահամարներով:

«ԹԵԼ-ՍԵԼ» ԲԲԸ-ն վերահսկվում է ՀՀ կենտրոնական բանկի կողմից: